



◁ ماء سيد المستورد !! ٥٥

*ملحوظة .. "هذه الواقعة حدثت بحذافيرها تقريباً
معى وليس فيها مبالغة"

ز - عندك ماء سيد ؟

ص - آيوه موجود إن شاء الله .. وهمّ يا حضاره .. فلماً آه

الزبون قال .. - هوّ ده المستورد ؟

ص - لا .. ده مصرى

ز - بس أنا عاوز ماء سيد المستورد

ص - أفندم !! بس حضرتك ماء سيد ده مصرى مش

مستورد .. آه .. يمكن حضرتك قمبرك على ماء غريب ؟

ز - لا .. ما انا عندي ماء غريب .. أنا عاوز ماء سيد المستورد

ص - ما انا بقول حضرتك إن ماء سيد ده أصلاً مصرى و

ما فيش منه مستورد !

ز - يعنى ما لاقيش عندك ماء سيد المستورد ؟

ص - يا سيدى باقولك ما فيش أصلاً منه مستورد لأنه

صناعة مصرية .. ده حتى إسمه جاى من شركة سيد

الى عاملا و هى شركة مصرية

ز - يعنى ما لاقيش المستورد بتاعه يعنى ؟

ص - لا .. ز - طب و ده بكام ؟





ص - ب - يه قرش

ز - وهو ده عشان المخص للأطفال ؟

ص - أيوه ... ز - وكويس يعني ؟ ... ص - أيوه

ز - طب شوف لي عندك واحدة ماء سيد مستورد لو سمحت !!

ص - تاني !! ما احنا قلنا انه ما فيش غير ده

ز - بس شوف لي ان شالله واحدة بس عندك

المبدي المنقوط - حيد قتي والله العظيم ماء سيد ده

مهرى ١٠٠% واستخالة يكون فيه منه مستورد

ز - يعني ده كويس يعني ص - أيوه

ز - وده عشان المخص ص - أيوه

ز - يعني ما لا فيش عندك المستورد ؟

ص - لا ما فيش لآ ده

ز - بس ده يعني كويس للمخص ؟ ص - أيوه

ز - وده برضه ينفع للأطفال ؟ ص - آههه

ز - طيب قلت لي بكام هو ؟ ص - يه قرش

ز - طيب هاته طالها ما فيش عندك المستورد

ص - "في سره" .. الحمد لله أخيراً .. تم يلفه له و

يعطيه ويأخذ التقود .

ز - يعني ما القش عالتي يا دكتور يمكن ألاقيه في حنة تانية ؟





ص- في سره - "اللهم طوِّلك ياروع" ..

لا مش هتلاقيه .

ز- ولا ممكن تلاقيه في بورسعيد منلا ؟

ص- لا coc ..

يمسك الزبون بالعلبة و ينصرف و يقول .. طب شكراً ..

و يستجمع الصبر لي المسكين قواه و يعود ليجلس على

الكرسي فيفاجأ بالرجل يلتفت إليه ثانية " و يقول ..

ز- طب هو ده عشان إيه يا دكتور ؟

ص- "في ذهول" للمغص .

ز- و ينفع للأطفال ؟

ص- "وهو يكاد يشد في شعره بعد أن أحولت

عيناه" .. أبوه ..





◀ مااء !! ٥٥

كان الصيدلي جالساً حينما دخل عليه رجل ..
ز - أيوه يا ضكتور .. والنبي عاوز بناء ازازة مو صيچور
فاتح للشهية أهل البت خست خالص وتفسها محدودة
عن الأكل ..

وكان الصيدلي قد سمع وقع خطوات الطفلة ولكنه لم يرها
لأنه كان جالساً .. المهم أنه قام والتفت بسرعة لإخبار
الزجاجة ولكنه في هذه الأثناء سمع الطفلة تنبكي وتقول
"وااء" ولكن بصوت غريب .. وسمع الرجل يعنفها
ويقول "يخرب عقلك .. كدا هو عملتيها هنا .. هتخلى
عمو الضكتور يزعل منك ..

قال الصيدلي في نفسه "ما بناخذش من العيال غير كده ..
المفروض يلبسوهم كدليز و للاجاجة وهم نازلين ..
يا لله أمرى لله أبقي امسكها لما بهمشوا" ..
وأعطى للرجل الدواء بعد ما أخذ منه النقود .. وكان لم
يرى الطفلة بعد .. فيبدو أنها كانت قصيرة .. وخرج الرجل
ومعه الطفلة وهو يقول لها "لو عملاق كده مرة ثانية
هاعطى الموصيچور لا خواتك" ..

وسمع الصيدلي صوت الطفلة للمرة الثانية ولكن هذه





المرة بدأ الشكّ - الذي كان قد راوده
حينها سمع صوتها في المرة الأولى - يعود إليه ..
فهو متأكد الآن أن الطفلة تقول "ماء" وليس
"واء" كما كان يظن .. وبُهِت حينها رأى الرجل يسير
ووراءه المعزة في الطريق ..

◁ عاوز كام؟ ٥٥

ز - فيه علبة لبوس باخذها من هنا و ثمنها ١٦٥ قرش
عارفها؟

ص - مش فإكر عاسوها؟

ز - لأ .. بس هي بـ ١٦٥ قرش .. شوف كده بس

ص - طب هي عشان عايبه؟

ز - عشان النّشر اللي في العضم "يقصد آلام العظام"

.. بس شوف بس اللبوس اللي بـ ١٦٥ قرش عندك

وانت تعرفها على طول ..

أخذ الصبي لي يبكث ويفكر حتى عثر على اللبوس

المطلوب وكان إنداسين لبوس وهو فعلاً بـ ١٦٥ قرش

ز - أبوه .. هو ده الله ينور عليك ..

عاوز كام بقي؟



◁ بعد النوم ٥٥

أحضر حديق الصيدلي روثتة زوجته المريضة
لصرفها.. فأراد الصيدلي أن يداعب حديقه..
فكتب على أحد الأقراص والتي من المفروض أخذها قبل النوم
"قرص بعد النوم بـ ساعة" على سبيل المزاح..
ولم يلتفت الصيدلي للكلام المكتوب وذهب بالعلاج لزوجته
.. وفي هذه الليلة.. وبعد أن أوى الزوجان إلى فراشهما
بفترة.. أحس الصيدلي بزوجته تقوم من الفراش وتخرج من
الحجرة ثم تعود.. فظن أنها ذاهبة لقضاء حاجة لها
ولم يهتم.. وفي اليوم الثاني.. تكرر نفس الموضوع
فظن أنها تذهب لتشرب مثلاً.. ولكن في اليوم الثالث
لما تكرر منها ذلك.. إرتاب في الأمر وسألها.. فإذا
بها تقول له.. "ما هو الدكتور كاتب على العلبة قرص
بعد النوم بـ ساعة" !!

◁ كبير أم صغير؟! ٥٥

الرجل - و النبي عاوز حاجة للكفة .
ص - لحد كبير يا حاج؟
الرجل - ع... دى لى آنا .. !!



◀ لماذا تتسألني إذن !! ٥٥

ز - عاوز علبة لبوس للخشونة باخذها من هنا

ص - كانت بكام يا حاج ؟

ز - خمسة جنيه وربع هي

ص - يحضر هو لتارين لبوس غيرها الزبون ..

ز - آيوه هي دي مضبوط .

ص - اتفضل يا حاج .. د ٥٣٠ قرش

ز - "بتجيب شديد" - طب لما إنت عارف انه

د ٥٣٠ قرش كنت بتسألني ليه ؟!!

بتقولك ماما إصرف الروشتة
دي مكان الدواد .. لأن الروشتة
اللي حضرتك صرفتها لي من شنوية
كانت ورقة أختي الصغيرة
مشخطة فيها .




* حول سوء خط بعض الأطباء *



بشئى
للشعب

المصري



إعلان ٥٥

يسر شركة فولكو للأدوية
أن تعلن عن توافر إنتاجها من
قاهرى المداخ والآلام الجديدين ٥٥

Aspifool tablets & Oblong Aspifool tablets.

الآن متوافر بجميع الصيدليات والمطاعم الكبرى
وذلك بعد أبحاث استمرت نحو ثلاثة وتسعون عاماً

التركيب .. Composition ٥٥

each tablet contain

- Asprin 700 mg
- Foolin 1005 mg
- secret addetives to 250 g.

يحتوى كل قرص على

- أسبرينا ٧٠٠ مجم
- فولين ١٠٠٥ مجم
- إضافات سرية حتى ٢٥٠ جم



Characteristics ..

- * لا يسبب أي حساسية .. (سُجِّلت حالات نادرة من الإصابة بالجذام بعد تعاطي العقار بجرعة عالية .. وقد زالت الأعراض بمجرد تقليل الجرعة)
- * لا يسبب أية قُرُوح بالمعدة .. (فمادة الفولين *foolin* تعمل كطبقة سميكة على جدار المعدة وحمايتها من آثار الأسبرين *Asprin* الصّارة .. وهذه الطبقة قوية لدرجة أنها قد توقف حركة المعدة نفسها .. لذلك يُنصح بابتلاع بعض الأحجار المستنقة للمساعدة على عملية الهضم أثناء فترة العلاج)
- * برغم عدم ثبات تأثير الـ *Aspifool* على الجنين .. إلا أنه يُنصح - كما هو الحال في معظم الأدوية - بتجنب إعطاؤه في الثلاث سنين الأولى من الحمل .. (سُجِّلت حالات قليلة حدث فيها تشوهات خلقية في جسم الجنين حيث بدأ كقدرة الفول .. وسميت تلك الظاهرة بـ "Fool malformation syndrome")
- * يتميز الـ "oblong Aspifool" عن الـ "Aspifool" بطول الفرم .. مما يزيد من المساحة المعرضة منه للإمتصاص داخل المعدة .. وبالتالي يحدث تأثيراً أسرع .



◀ أملاح ٥٥

العجوز - هاتلى يا بنى كبسونتين تتراسيد للأصلاع
ص - أملاع عايه يا حاج !! التراسيد ده مضاد
حيوى ما ينفعش للأصلاع خالص .. يكون قصدك
ستروسيد فوارة ؟

العجوز - لا .. بأقولك تتراسيد كبسون .. أنا بارتاح عليه .
* ملحوظة .. " يعلن المؤلف عن جائزة قيمة عبارة عن
نصف عبوة يوروسولفين للصيدلى الذى يستطيع التوصل لـ
mechanism of action لتأثير القتراسيكين على الأملاع
.. وتقدم الإجابات قبل الغاء هذا الصنف من السوق المصرى "

◀ أنف وأذن ومسخرة ٥٥

دخلت طفلة ومعها رويشة من طبيب أنف وأذن
مكتوب فيها " Terracortril ear drops " .. والمعروف أنها
على أنبوبة تشبه مرهم العين ولكنها نقط وتستخدم
أيضاً للأذن .. المهم بعد أن أخذت الطفلة العلاج بقرة
عادت ترشح النقط وتقول ..

- بيقولك عم فتى الدواء ده غلط .. رجعه .

ص - مين عم فتى ده ؟ .. هو بيشتغل دكتور !!



- لا.. بس لما ماها ورّيته العلاج قال لها ده

مرهم عين مش نقط للودان .

ص - خذى يا عروسة شوفى العلبه مكتوب عليها

نقط لايه .. واقرى كده ..

- م.. م.. ما باعرفش اقرا .

ص - طيب روى قولى لماما .. العلاج مضبوط والدكتور بيقولك

ده للودان .. ما شى ؟

ذهبت البنت .. وبعد فترة يجى الصيدلى سيّده بعلايه لفّ

تدخل الصيدلية ومعها النقط ..

- انت مش عاوز ترجع العلاج ده ليه ياخويا وهو غلط ؟

ص - مين اللى يقول إنه غلط !! شوفى ياسسى العلبه

أهى مكتوب عليها نقط للعين والأذن .

- شفت بقى أهو إنت قلت بنفسك إنه للأذن يعنى

ما هوش للودان .

ص - نعم !! أمال يعنى لايه أذن بقى !!

- "وهى تتلعثم" .. أه ؟! .. أذن ؟! .. آه .. أذن

اللى هى المناخير .. إنهما الضكطور كاتب على نقط للودان .

ص - ياسلام !! بقى الأذن اللى هى المناخير .. طب يتجى ازاي ؟!

- أيوه طبعاً همّ مش يقولوا .. أنف وأذن وحلجيرة !!



◁ العدسة المكيّرة ٥٥

دخلت الصيدليّة سيّدة بالملاية اللّف تحمّل
طفلاً صغيراً يتألّم بشدّة من أذنه وقالت ..

- هاتلي والنبي نقط ودان للواد ده أصله تعبان أوى
ص- نقط إيه يا حاجة الى انت علوز اها؟ فيه نوع مُعيّن
بتعطيّه ليه؟

- لا.. هاتلي نوع كويس و خلاص
ص- بس الولد شكله تعبان.. وأنا أفضل ثوديه لدكتور
يكشف عليه عشان يعرف عنده إيه بالاضبط ويوصف
له العلاج السليم.

- ماهو أنا وديته لعم فتحي وشافه وقال لي هاتيله
نقط وهو يبقى كويس.

ص- يطلع مين عم فتحي ده؟! دكتور!

- ده حلاق صحّة.. بس شاطر قوى

ص- شاطر في مهنته يا ستّي.. إنا إيش فكمه هو في
الطب؟!.. الولد ده لازم يشوفه دكتور آنف وأذن.

- بس ده الحاج فتحي كشف على ودنه بالعدسة المكيّرة.

ص- يا ستّي كل واحد له تخصصه.. يعني لو التليفزيون

بتاكلوا بايظ مثلاً هتودّوه للسباك يهلي؟!





- طب باقولك ايه يا استاذ .. ما عندكش
انت العدسة دي تاخذ تشوف بيها وذن
الواد من جوّه وتعالجه ؟

◀ ملعقة واحدة ٥٥

إشتري الزبون زجاجة دواء للكمة وبعد فترة عاد وقال
ز - عاوز أرجع الدواء ده
ص - ليه ؟ .. ز - مش عاوز نيه أهل طعمه وحش
ص - هو انت استعملته ؟!
ز - أبد آ.. دي هي ملعقة واحدة بس .. حتى خذتها
ياسيدي ..

دول قزمين برپيران فهد التزويج
عشان ما تزجج عليليش الدواء
ده كمان شنوية



يكن الشبيل

ايه القزمين
اللي حضرتك
اعطيتهم لي دول؟





◁ للصيادلة فقط ☺

دخل رجل عجوز الصيدلية وطلب من الصيدلي كلمة
على جنب و أخذ .. ههس في أذنه بكلمات ...

ص - ماشي يا حاج .. هاجيب لك أنا بخاخة تستعملها
قبلها بشوية وهتخل لك المشكلة دي إن شاء الله ..

ثم بحضرة "procamil spray" "والتي تحتوى أهلاً على مخدر موفع"
يأخذها الرجل ويدفع ثمنها الغالي .. وفي اليوم التالي

يدخل هذا الرجل الصيدلية وهو غاضب ومنفعل ويقول
- حرام عليك .. ده مقلب تعملة في ده؟ .. أنا عاوز فلوس

ص - هدي نفسك بس يا حاج وفهمني حصل إيه !!

- البخاخة اللي خدتها منك إمبراح ما عملتش أي حاجة

ص - وإزاي؟! يمكن الجرعة اللي انت رشتها كانت قليلة؟

- قليلة؟! ده انا بقتي إتشوي وورم .. وما بقتش

عارف انكم .

ص - بقتك!! هو انت استنشقتها بقتك يا حاج؟

- أيوه طبعاً .. هي أول مرة أستعمل فيها بخاخة؟

ما انا باخذ بخاخة الصدر على طول .